

**ՀԱՌԻՃԻ ՀՈՒՇԱՐՁԱՆԱԽՈՒՄԲԸ  
(ՃԱՐՏԱՐԱՊԵՏԱԿԱՆ ՍՐԲԱԳՐՈՒՄՆԵՐ)**

**ԱԼԵՔՍԱՆԴՐ ՋԱԼԱԼՅԱՆ**

Պատմական Հայաստանի Այրարատ նահանգի Շիրակ գավառը հարուստ է տարբեր ժամանակաշրջանների ճարտարապետական հուշարձաններով: Միջնադարյան դասական հուշարձանների շարքում իր կարևոր տեղն ունի Հառիճի մենաստանը: Վերջին տարիներին (1980—1985 թթ.) ՀՍՍՀ Մինիստրների խորհրդին առընթեր Պատմության և կուլտուրայի հուշարձանների պահպանության և օգտագործման գլխավոր վարչությունը Հառիճավանքում իրականացնում է հուշարձանախմբի ուսումնասիրության և վերականգնման աշխատանքներ: Այդ աշխատանքների ընթացքում մեղ խիստ հետաքրքրեց առանձին հատվածների նախնական վիճակի վերականգնման հարցը: Կատարված ուսումնասիրությունները ցույց տվեցին, որ հուշարձանախմբի տարրեր հատվածներ, ընայած Հառիճավանքին նվիրված առանձին արժեքավոր հրապարակումներին, տակավին կարիք են զգում որոշ սրբազրույթների և ճշգրտումների:

Հառիճավանքը միջնադարյան Հայաստանի մշակութային և հոգևոր նշանավոր կենտրոններից է: Այն վեր է խոյանում Արագած լեռան հյուսիսային լանջին, երկու ձորակներով գոյացող հրվանդանի վրա: Այստեղից հարավ՝ դիմացի սարահարթի վրա, տարածվում է բրոնզեդարյան բնակատեղին (մ. թ. ա. III—II հազ.)<sup>1</sup>: Հնագիտական ուսումնասիրությունները պարզել են, որ այն հարատևել է մինչև մ. թ. Մ դարը: Իսկ թե ե՞րբ է գյուղը տարածվել ձորի հարևանի կողմը, հնարավոր չէ ստույգ ասել: Բնակատեղիի տարածքում դեռևս կանգուն են բերդապարսպի մնացորդներ՝ չարված մեծածավալ կոպտատաշ որձաքարից, առանց շաղախի: Ակներևաբար, հենց այս բերդի հետ է կապված գյուղի անվանումը: Ըստ Հ. Աճառյանի, Հառիճ, կամ Առինջ նշանակում է գյուղ<sup>2</sup>: Մանանդյանը գտնում է, որ այդ կարծիքը վիճելի է և, հիմնվելով Մարկվարտի ենթադրության վրա, առավել հավանական է համարում «բերդ» կամ «ամրություն» ստուգաբանությունը, որի օգտին է խոսում նաև այն փաստը, որ համանման հնչողություն ունեցող գրեթե բոլոր բնակավայրերում (Առինջ, Արուճ, Բազառիճ և այլն) պահպանվել են հնագույն բերդապարսպների հետքեր<sup>3</sup>:

Պատմական աղբյուրներում վանքի մասին վկայությունները սակավ են: Չեն պահպանվել նաև հիմնադրությանը վերաբերող արձանագրություններ: Հնագույն հիշատակությանը հանդիպում ենք Մխիթար Անեցու մոտ (XIII դար): Խոսելով Զաքարյանների կողմից ազատագրված շրջանների մասին, պատմիչը ի շարս Հովհաննավանքի, Տեղեր, Ուշի մենաստանների և Սաղմոսավանքի հիշատակում է Հառիճավանքը. «և որ աշխարհ որ տիրեաց՝ ելից զայն եկեղեցօք Բրիստոսի աստուծոյ, նաև զերեսն Արագածու՝ զՈհաննավանքն, զՅառուճոյ վանքն, զՏեղերոյ վանքն, զՅուշու վանքն, զՍաղմոսավանքն և այլ բազում եկեղեցիս ի գեղորայսսն<sup>4</sup>: Վանքի գոյության մասին տեղեկություն կա նաև Վարդան պատմիչի «Աշխարհացոյցում»<sup>5</sup>: «Առաջեմ Անի և Շիրակ գավառն, ուր կան սուրբ ուխտքն Հոռոմոս և Մարմաշէն և Կամրշաձոր, Դպրավանքն և Հառիճա և այլքն բազումք<sup>6</sup>: Կարճառոտ, բայց կարևոր հիշատակություն կա Սիմեոն կաթողիկոսի «Ջամբուխ» մեջ, ուր նշված է, որ վանքը հիմնադրվել է 895 թ. Սմբատ Ա-ի թագավորության ժամանակ<sup>7</sup>: Կասկածից վեր է, որ վանքը հիմնադրվել է ավելի վաղ: Այդ մասին է վկայում այն, որ Հառիճի հուշարձանախմբի կառույցներից ս. Գրիգոր եկեղեցին իր ճարտարապետական ձևերով VII—VII դարերին բնորոշ կառույց է: Բացի այդ, գյուղի տարածքում և զերեզմանատանը պահպանվել են վաղ շրջանի բազմաթիվ հուշարձանների հետքեր՝ տապանաքարեր,

<sup>1</sup> Հ. Աճառյան, Հայերեն արձատական բառարան, հ. 1, Երևան, 1971, էջ 268:

<sup>2</sup> Հ. Մանանդյան, Հին Հայաստանի գլխավոր ճանապարհները, Երևան, 1936, էջ 36:

<sup>3</sup> Մխիթար Անեցի, Մատյան աշխարհավեպ հանդիսարանաց, Երևան, 1983, էջ 119:

<sup>4</sup> «Աշխարհացոյց» Վարդան Վարդապետի, Փարիզ, 1960, էջ 15:

<sup>5</sup> Սիմեոն կաթողիկոս, Ջամբուխ, Վաղարշապատ, 1873, էջ 287:

որոնցից մեկը թվագրված է ԻԱ (572)<sup>6</sup>, հավասարաթև խաչի պատկերով բեկորներ, V—VII դարերին բնորոշ քառակող կոթող<sup>7</sup>, դուղի արևելյան եզրին դնվող VII—VIII դարի մատուռի ավերակները և այլն:

Վանքի արձանագրություններում ամենավաղ հիշատակությունը վերաբերում է XII դարին: Օ. Գրիգոր եկեղեցու հարավային պատին կարդում ենք. ԵՍ ԳՐԻԳՈՐ ԱՌԱՋՆՈՐԴ ՍՐ ՈՒՆՏԻՍ ՀԱՌԻՃԱՅԻ ՇԻՆՆՅԻ ՋՏԵՂԻ ՍՆՆԳԵԱՆ ԻՄՈՅ Ի :Ճ: ԱՄԵԱՅ ԿՈՐԾԱՆՄԱՆՆ: Գերեզմանատանը պահպանվել է նույն Գրիգոր առաջնորդի տապանաքարը, որտեղ վերջինս հիշվում է որպես երկ-տորդ շինություն առաջին առաջնորդ: Արձանագրությունը թվագրված է ՈԼԳ (1185 թ.) կամ ՈԼԹ (1190 թ.):<sup>8</sup> Այստեղից կարելի է եզրակացնել, որ վանքը ավերվել է XI դարում սելջուկյան ար-ջավանքների ժամանակ և, հարույր տարի մնալով ավերակ վիճակում, նորոգվել է XII դարում Գրիգոր առաջնորդի կողմից: Իսկ թե ինչպիսին է եղել վանքի վիճակը մինչև XI դարը, մատե-նագրական և վիճակագրական աղբյուրները լռում են:

XI դարում Զաքարի և Իվանե Զաքարյանները, Հայաստանի մի շարք շրջաններ ազատա-գրելով սելջուկներից, շինարարական լայն թափի գործունեություն են ծավալում: Բուռն զար-գացում են ապրում քաղաքաշինությունն ու ճարտարապետությունը: Ամբողջանում են մի շարք վանքային հուշարձանախմբեր՝ Տաթևը, Հաղբաար, Կեչառիսը, Հովհաննավանքը, Մակարավանքը և ուրիշներ: Զաքարի ամիրսպասալարը, դնելով Հառիճը և շրջակա հողերը, կառուցում է վանքի պարիսպը, ս. Աստվածածին եկեղեցին (1201 թ.), որին հետագայում կցվում է դավիթը, Կա-ռուցվում են ս. Հարություն եկեղեցին և զրատուն-դպրատունը: Այս շրջանից պահպանվել են բազմաթիվ արձանագրություններ (մինչև XIV դար՝ 1334 թ.), որից հետո տեղեկությունները Հառիճավանքի մասին դարձյալ բացակայում են: Հավանական է, որ այն ենթարկվել է մոնղո-լական ավերիչ արշավանքներին: Հետագա տվյալները վերաբերում են արդեն XVIII դարին: 1789 թ. Ներսես Աղտարակեցի յայցելում է Հառիճ: Նա հաղորդում է, որ վանքը գտնվում է քա-րայված և աղքատ վիճակում, մահմեդական տիրապետության տակ<sup>9</sup>: 1795 թ. Աղա Մահմադ խանը արշավում է Հայաստան: Նրա զորավարներից մեկը՝ Քյալաբալան, ավերում է վանքի պարիսպները և ս. Հարություն եկեղեցին<sup>10</sup>:

Կիսավեր, խարխված էր Հառիճի վանքը, երբ 1850 թ. կազմվում է Հառիճի վանական ըն-կերությունը, որը և ձեռնամուխ է լինում համալիրի նորոգությանը, կառուցում է կից շինություն-ները (սեղանատուն, վեհարան, ննջարան, ժառանգավորաց դպրոց, հացատուն և բուժարան): Հառիճավանքը կազմում են երկու եկեղեցի՝ ս. Գրիգոր և ս. Աստվածածին, դատուն-դպրատունը և երկու մատուռ: Հուշարձանախմբը նախկինում շրջապատող պարսպից պահպան-վել է մի փոքր հատված: Այս տարածքից հյուսիս-արևելք փոխված է դուղի հին գերեզմանատու-նը, ուր գտնվում են ս. Հարություն եկեղեցու ավերակները (գծ. 1, 2):

Ս. Գրիգոր եկեղեցի: Համալիրի հնագույն կառույցն է: Կենտրոնադմբեթ, խաչաթև եկե-ղեցի է, որ դասվում է Մաստարայի տիպի հուշարձանների շարքը: Վաղ միջնադարից պահպան-վել են այս տիպի չորս կառույց՝ Մաստարան, Արթիկը, Հառիճը և Ոսկեպարը: Այս հուշարձան-ների մանրազնին ուսումնասիրությունը կարող է պարզել Մաստարայի տիպի առաջացման ու զարգացման օրինաչափությունները:

Օ. Գրիգոր եկեղեցու կառուցման ժամանակի մասին ոչ մի տվյալ չի պահպանվել, ուստի խնհար է ստույգ թվագրել հուշարձանը: Արել Ախիթարյանցը եկեղեցին համարում է X դարի

6 թ. Թորամայան, Նյութեր հայկական ճարտարապետության պատմության, Երևան, 1948, էջ 203—205:


7 Բ. Առաքելյան, Հայկական պատկերաքանդակ IV—VII դդ., Երևան, 1949, էջ 171 (կոթողը գտնվում է Հայաստանի պատմության պետական թանգարանում):

8 Հ. Նղիազարյանը սխալմամբ կարդում է ՈՒՄՐ (1773 թ.), որտեղից էլ եզրակացնում է, որ առաջնորդները տարբեր մարդիկ են [տե՛ս Հ. Նղիազարյան, Հառիճավանքը և նրա վի-մագրությունը (Վեջմիածին, 1958, № 8—9, էջ 81)]: Ե. Տեր-Մինասյանն առավել հավանա-կան է համարում ՈԼԹ (1190 թ.) [տե՛ս Ե. Տեր-Մինասյան, Հառիճ վանքի արձանագ-րությունների առթիվ (Վեջմիածին, 1958, Ա, էջ 43)]:

9 Հառիճայի վանական ընկերության հիշատակարանն ու հաշիվը, Ալեքսանդրապոլ, 1909, էջ 12:

10 Արևելավարդապետ Մխիթարեանց, Պատմութիւն մենաստանին Հառիճոյ, Բիֆլիս, 1856, էջ 32—33:

կառույց<sup>11</sup>, նա կրկնահարկ մատուռին վերաբերող Սարգիս Ճոնի անթվական շինարարական արձանագրությունը սխալմամբ վերագրում է ս. Գրիգոր եկեղեցուն՝ Սարգիս Ճոնին համարելով X դարի անձնավորություն, նույն կարծիքին է նաև Ս. Ջալալյանը<sup>12</sup>, Ղ. Ալիշանը, հիմնվելով ն. Մխիթարյանցի տվյալների վրա, կրկնում է վերջինիս տեսակետը, թեև կասկածի տակ է առնում արձանագրության թվագրման հշտությունը<sup>13</sup>։ Հետագա հետազոտողները, նկատի առնելով հուշարձանի հատակագծային լուծումը, այն համարում են VII դարի կառույց<sup>14</sup>։



Նկ. 1. Հառիճավանք. համալիրի հատակագիծը։

Հուշարձանն իր բացարձակ շափերով Մաստարայի տիպի կառույցներից ամենափոքրն է և հիմնականում կրկնում է այդ տիպի եկեղեցիների հատակագծային լուծումը։ Արսիզները արտաքինից հնգանիստ են, ներսից կիսաշրջանաձև։ Գլխավոր մուտքը արևմտյան կողմից է։ Երկրորդ մուտքը՝ հարավից, սակայն ոչ թե արսիզից, ինչպես Արթիկում, այլ՝ անկյունային պատից։ Մեր կարծիքով, մուտքի այսօրինակ տեղադրությունը թելադրված է հարավային արսիզի ան-

11 Ա. Մխիթարյանց, նշվ. աշխ., էջ 13—18։


12 Ս. Ջալալյանց, Ժանապարհորդութիւն ի Մեծն Հայաստան, մասն Ա, Տփլիս, 1842, էջ 211։

13 Ղ. Ալիշան, Շիրակ, Վենետիկ, 1881, էջ 158։

14 Բ. Բորմանյան, նշվ. աշխ., էջ 246, Ս. Մնացականյան, Զվարթնոցը և նույնատիպ հուշարձանները, Երևան, 1971, էջ 54, Հ. Եղիազարյան, Շիրակի լեռնահովտի պատմական հուշարձանները, Երևան, 1975, էջ 13, Օ. Халпахчян, Архитектурные ансамбли Армении, М., 1980, с. 266; В. Арутюнян, С. Сафарян, Памятники армянского зодчества, М., 1951, с. 62։

միջապես ժայռի եղրին կառուցված լինելու հանգամանքով: Երրորդ մուտքը, որ բացվել է հետագայում անկյունային պատի վրա հյուսիսից, տանում է ս. Աստվածածին եկեղեցու գավիթ: 2. Եղիազարյանը գտնում է, որ այն բացվել է դավթի կառուցման կապակցությամբ<sup>15</sup>, Սակայն, ինչպես հիշատակում է Ա. Մխիթարյանցը, այն իրականացվել է միայն XIX դարում<sup>16</sup>:

Եկեղեցին հարավ-արևմտյան կողմից ունի քառակյուն հատակադժով մի ավանդատուն: Ի տարբերություն Արթիկի ու Մաստարայի, որտեղ արևելյան կողմի զույգ ավանդատները օրգա-



Նկ. 2. Հառիճավանք. համալիրի ընդհանուր տեսքը (վերակազմություն),

նապես ձուլվում են եկեղեցիների ծավալներին, Հառիճում այն իր չափերով չի ներդաշնակում եկեղեցու արտաքին հորինվածքին, և որոշ չափով խաթարում է կառուցվածքի միասնականությունը: Սրա պատճառը ս. Գրիգոր եկեղեցու փոքր բացարձակ չափերն են Մաստարայի և Արթիկի հետ համեմատած, որտեղ հիմնական կառուցվածքների և ավանդատների ծավալների հարաբերությունը այնպիսին է, որ վերջիններս չեն խանգարում զլխավոր ծավալների ընկալմանը: Արտաքին ծավալների այդ անհամամասնությունն է, հավանաբար, որ որոշ հետադոտողների մոտ առաջացրել է այն կարծիքը, թե ավանդատումը կցվել է եկեղեցու կառուցումից հետո<sup>17</sup>, մինչդեռ տեղում ակնհայտ է եկեղեցու և ավանդատան միաժամանակ կառուցված լինելու փաստը: Դա պարզորոշ երևում է կառույցի պատերի շարվածքից և ներքից ու դրսից ավանդատան մուտքի բարավորի տեղադրությունից:

Ս. Գրիգոր եկեղեցուն հետագայում (հավանաբար, վանքի վերանորոգման ժամանակ՝ XII դարում) հարավ-արևմուտքից կցվել է մի այլ ավանդատուն, որի վրա Սարգիս Շոնը բարձրացրել է երկրորդ հարկի մատուռը: Հուշարձանի ինտերյերը պահպանվել է իր նախնական տեսքով: Այս տիպի մյուս կառույցների նման ս. Գրիգոր եկեղեցու ներքին տարածությունը ևս միասնական է լուծված: Այստեղ դմբեթն օրգանապես կապվում է արսիղների ու անկյունային մասերի հետ: Ի տարբերություն ինտերյերի, եկեղեցու արտաքինը կրել է բազմաթիվ փոփոխություններ: Նորոգվել է արտաքին հրեսապատը, ավելացվել է կրկնահարկ մատուռը, որը XIX դարում արևմուտքից կցվել է զանգակատանը<sup>18</sup>, և, վերջապես, ամբողջովին վերակառուցվել է եկեղեցու դմբեթը: Այժմ դժվար է պատկերացնել կառույցի նախնական տեսքը, քանի որ այն բոլոր կողմերից շրջապատված է կից կառույցներով, իսկ հյուսիսից մտնում է ս. Աստվածածին եկեղեցու դավթի ծավալի մեջ:

Մեծ փոփոխություն է կրել ս. Գրիգոր եկեղեցին XIX դարի նորոգման ժամանակ: Իրենց նախնական նիշից բարձրացվել են անկյունային մասերը. այդ մասին է վկայում հյուսիսային

<sup>15</sup> 2. Եղիազարյան, նշվ. աշխ., էջ 19:

<sup>16</sup> Ա. Մխիթարյանց, նշվ. աշխ., էջ 77—78: Մուտքը բացել է Պողոս վարդապետ Զալալյանը արևմտյան դուռը փակելու պատճառով, 1840-ական թվականներին:

<sup>17</sup> 2. Եղիազարյան, նշվ. աշխ., էջ 19, Օ. Халпахчан, նշվ. աշխ., էջ 266:

<sup>18</sup> Կառուցվել է 1892 թ. Հառիճի վանական ընկերության նախագահ Հովսեփ Կոստանյանցի հիշատակին:

կողմում, ս. Աստվածածին եկեղեցու գավթի պատի մեջ պահպանված զամբուղաձև զարդաքանդակով քիվր: Այս հատվածների և արսիղների սկզբնական նիշից բարձրացված ծածկերը փակում են գմբեթի օղակաձև հիմքը, որի վրա բարձրացել է 16-նիստավոր թմբուկը: Վերջինս վերանորոգվել է, ինչը պարզ երևում է երեսապատող քարի գույնից, շարվածքից: Թմբուկը պսակված է եղել շրջանաձև, զամբուղաձև զարդաքանդակ ունեցող քիվով, որը զրեթե ամբողջապես պահպանվել է: Եկեղեցու ծածկերն ու վեղարը իրականացված են եղել կղմինդրով (կղմինդրի մնացորդներ գտնվել են նորոգման աշխատանքների ժամանակ): Ս. Մնացականյանը գտնում է, որ նիստավոր թմբուկից շրջանաձև քիվին անցումը արված է կղմինդրի ծածկը հեղտությամբ իրականացնելու: նպատակով<sup>19</sup>, 1863 թ. նորոգման ժամանակ<sup>20</sup> թմբուկի ծածկը արվել է կիսա-գնդի ձևով, մի բան, որ բնորոշ չէ հայ ճարտարապետությանը և այժմ թյուր պատկերացում է տալիս հուշարձանի մասին:

Եկեղեցու գավթի վրա: Կառույցը չի պահպանվել. այն հիմնովին ավերված է: Ս. Գրիգոր եկեղեցու արևմտյան ճակատի վրա պահպանվել են այժմ գոյություն չունեցող շինության շաղախի հետքեր, որոնք հնարավորություն են տալիս վերջինիս մասին միայն մոտավոր պատկերացում կազմելու:

Մեր կարծիքով, գավթը ունեցել է ուղղանկյունաձև հատակագիծ, հարել է ս. Գրիգոր եկեղեցուն արևմուտքից և իր մեջ է առել վերջինիս արևմտյան արսիղը: Կառույցի հյուսիսային կողմում տեղավորված է եղել առանձնացված մի սենյակ: Դա պարզորոշ երևում է եկեղեցու պատի վրա ուղղաձիգ հետքից: Պահպանված շաղախի մնացորդները հիմք են տալիս եզրակացնելու, որ գավթին ունեցել է երկթեք ծածկ:

XIII դարում ս. Գրիգոր եկեղեցու դեռևս կանգուն գավթին հյուսիսից կցվել է ս. Աստվածածին եկեղեցու գավթի, իր մեջ առնելով վերջինիս հյուսիս-արևելյան անկյունը (ս. Աստվածածին եկեղեցու գավթի արևմտյան ճակատին պահպանվել է ս. Գրիգոր եկեղեցու գավթի հետ կցման հանգույցի ուղղագիծը), իսկ հարավից գրասուն-դպրատունը:

Ս. Մնացականյանը որպես գավթների հնագույն տիպեր նշում է Սյունիքում գտնվող X դարի երեք հուշարձան՝ Վահանավանք, Քարկոփ և Գնդեվանք<sup>21</sup>: Մեր կարծիքով, Հառի՛ի շինության ս. Գրիգոր եկեղեցու գավթի ընդհանուր նմանատիպ մի շինություն է եղել (հավանաբար, նաև նույն ժամանակի) ու իր հատակագծային լուծումով ավելի մոտ է Գնդեվանքի գավթին:

Ս. Աստվածածին եկեղեցի: Հուշարձանախմբի գլխավոր եկեղեցին է: Այն իր տեղադրությունը ու ծավալով իշխող դիրք ունի համալիրում: Կառույցը կրկնում է XI—XII դարերում տարածված արտաքինից ուղղանկյուն, ներքուստ խաչաձև շինությունների այն տիպը, ուր ներքին խաչաձևությունը ստացվում է շորս անկյուններում տեղադրված կրկնահարկ ավանդատների շրենորհիվ, այն տարբերությամբ, որ արևմտյան հատվածի երկրորդ հարկի ավանդատները այստեղ փոխարինված են հայկական ճարտարապետության պատմության մեջ եզակի, զույգ սյունազարդ օթյակներով:

Ս. Աստվածածին եկեղեցին աչքի է ընկնում կառուցողական բարձր արվեստով, քարի երանգների հմուտ օգտագործմամբ, նյութի կատարյալ մշակմամբ:

Եկեղեցու շինարարության մասին պահպանվել է երկու հիշատակություն: Արևմտյան պատին, բարավորի վերնամասում գրված է.

ՇՆՈՐՀԻՆ ԱՅ. ԵՍ ԶԱՔԱՐԷ ԱՄԻՐ ՍՊԱՍԱ-  
-ԼԱՐ ՇՆՆԵՑԻ ԶԿԱԹՈՂԻԿԷՍ:

Հյուսիսային ճակատի արձանագրությունը, որտեղ եկեղեցու կոտորը՝ Զաքարե ամիրսպասալարը, հայտնում է եկեղեցու և ամրոցի կառուցման մասին, գրվել է ՈՍ (1201) թ.: Սակայն քանի որ ս. Գրիգոր եկեղեցու հարավ-արևմտյան պատին 1196 թ. Գրիգոր Տուտեորդու և Աստվածատուր Արուճեցու արձանագրությունների մեջ հիշատակվում է նաև ս. Աստվածածին եկեղեցին, ապա 1201 թ. պետք է համարել կառույցի շինարարության ավարտի տարին: Այսպիսով, համալիրի գլխավոր շինության կառուցումը սկսվել է ս. Գրիգոր եկեղեցու նորոգումից անմիջապես հետո՝ XII դարի վերջին տասնամյակում:

<sup>19</sup> Ս. Մնացականյան, նշվ. աշխ., էջ 54:

<sup>20</sup> «Հառի՛ի վանական ընկերության հիշատակարանն ու հաշիվը», էջ 48:

<sup>21</sup> С. Мнацаканян, Архитектура армянских притворов, Ереван, 1952, с. 24—25.

Եկեղեցու ներքին տարածությունը ակնհայտ է իր վերասլաց համամասնություններով ե ճարտարապետական զուսպ հարդարանքով, բացառությամբ ավագ խորանի բնամոռի մշակման: Ավելի ուշ ռոմբաձև ե եռանկյունաձև բուսական զարդապատկերներով այս հորինվածքն առավել բարդ ու կատարյալ ձևով կրկնվել է Գանձասարի եկեղեցում (1238 թ.)<sup>22</sup>:

Վերը հիշատակված օթյակները տեղադրված են արևմտյան զույգ ավանդատների վրա ե իրենց եռակամար բացվածքով նայում են դեպի ազոթասրահ: Այստեղ են տանում տակից շքաքարե մշակում ունեցող 10-ական բարձակային աստիճաններ: Ազոթասրահի ներքին ամբողջ ծավալի վրա զերիշխում է ս. Աստվածածին լուսավոր գմբեթը: Եկեղեցու միակ մուտքը արևմտյան կողմից է ու բացվում է զավթի մեջ: Արտաքինից պրոֆիլավոր հորիզոնական գոտին, չբշնցնելով եռանկյունաձև հատույթի խորշերն ու պատուհանները ե կառույցի հիմնական ծավալը երկու մասի բաժանելով, յուրատեսակ պատվանդան է ծառայում երեք ճակատներում (հյուսիսային, արևելյան ե հարավային) բարձրացող խաչաձև հորինվածքների համար ե միեկնույն ժամանակ ավարտում է ստորին մասի զուսպ ե առանց պաճուճանքների մակերևույթը: Վերջինս յուրաքանչյուր ճակատում մասնատվում է միայն եռանկյունաձև հատույթի խորշերով: Կառույցը պսակվում է քսան նիստ ունեցող թմբուկով: Վերջինս շատված է որմնասյուներով ե վարդակների շարքով, ինչը թեթևություն ու վերասլացություն է հաղորդում նրան<sup>23</sup>:

Ս. Աստվածածին եկեղեցու հովհարաձև վեղարով գմբեթը, որը կրկնում է XI դարից Հայաստանում տարածված տիպը (Ամբերդ, Անի, Խժկոնք, Մարմաշեն), մշակման նոր աստիճանի է հասցված քանդակազարդ վարդակների շնորհիվ, որոնք յուրատեսակ գոտի են ստեղծում գմբեթի շուրջը: Այս տիպը հետագայում առավել կատարյալ հանդես է գալիս Գանձասարի եկեղեցում:

Իրենց դեկորատիվ մշակմամբ առավել հարուստ են եկեղեցու արևելյան ե հյուսիսային ճակատները: Սրանց հետ համեմատած հարավային ճակատի ավելի զուսպ մշակումը, կարծում ենք, պետք է բացատրել տեսանկյունային ավելի փոքր հնարավորություններով, քանի որ վերջինս բարձրացել է անմիջապես ձորի զառիթափ եղրից<sup>24</sup>: Ուշագրավ է իվանե ե Զաքարե եղբայրների հարթաքանդակով արևելյան ճակատի հորինվածքը<sup>25</sup>: Կոտորակալ ավանդական հորինվածքը ներկայացնում է դեմ առ դեմ կանգնած Զաքարյան եղբայրներին, որոնց իրար մեկնած ձեռքերի վրա ժամանակին տեղավորված է եղել եկեղեցու մանրակերտը: Այդ մասին Ս. Զաւարյանը գրում է. «...արյանք քաջագոր սպասալարացն Զաքարէի ե իվանէի ունենալով ի ձեռին զփոքրիկ եկեղեցի»<sup>26</sup>: Վերջինս այժմ չի պահպանվել: Մանրակերտի տեղում 1895 թ. տեղադրվել է աստվածամոր մի մարմարե պատկեր<sup>27</sup>: Հետաքրքրական է նույն ճակատի վերին ձախակողմյան մասում հուշկապարիկի՝ թևավոր առյուծի մարմնով կնոջ ֆիգուրը: Նույնատիպ քանդակները տարածված են այդ դարաշրջանի մի շարք կառույցներում (Հովհաննավանք, Մակարապանք, Նոր Վարդավանք ե այլն): Ուշագրավ է նմանատիպ ֆիգուրի առկայությունը Հառիճանքում 1219 թ. Հովհաննես գրչի ձեռքով գրված ձեռագրում, որի մասին հիշատակում է Գարեգին Հովսեփյանը<sup>28</sup>: Ս. Աստվածածին եկեղեցու արևմտյան ճակատի վրա տեղադրված է կառույցի մանրակերտը, որը Ս. Մնացականյանը նախնական է համարում<sup>29</sup>: Մոդելի մեր ու-

22 А. Л. Якобсон, История армянского средневекового зодчества, М.—Л., 1960, с. 147; А. Ուլուբաբյան, Գանձասար, Երևան, 1981, էջ 29—30:

23 Ս. Աստվածածին եկեղեցու հովհարաձև վեղարը 1856 թ. փոխարինվել է կոնաձևի, որի հետեանքով այժմ խախտվել են եկեղեցու համամասնությունները ե այն ներկայանում է խաթարված տեսքով:

24 Եկեղեցու հարավային ճակատի դիմաց այժմ գոյություն ունեցող հարթությունը առաջացել է 1873 թ., երբ ձորի կողմից Հառիճի վանական ընկերությունը կառուցել է հենապատ: Միջանկյալ տարածության մեջ լիցք է արվել:

25 Ս. Մնացականյան, Հայկական աշխարհիկ պատկերաքանդակը, Երևան, 1976, էջ 104, 105:

26 Ս. Զաւարյան, նշվ. աշխ., էջ 212:

27 Պատկերը տեղադրել է Հառիճի վանական ընկերությունը: Քարը բերվել է Թավրիզից, քանդակագործն է արեւմտահայկալոցի վարպետ Ծանիկ Գրիգորյանը:

28 Գարեգին արք. Հովսեփյան, Խաղբակյանք կամ Պոռչյանք Հայոց պատմության մեջ, մասն I, Վաղարշապատ, 1928, էջ 66—68:

29 Ս. Մնացականյան, Հայկական աշխարհիկ պատկերաքանդակը, էջ 105:

սումնասիրութիւնը ցույց է տալիս, որ այն, հավանաբար, տեղադրվել է XIX դարում, ծածկերի վերանորոգման ժամանակ, քանի որ բոլոր մանրամասներով մշակված մոդելի արեւելյան ճակատի կոմպոզիցիայում կոտորների միջև պատկերված է Աստվածամայրը և ոչ թե եկեղեցու մոդելը: Բացի այդ, այստեղ վեղարը կոնաձև է, ոչ թե հովհարաձև: Մոդելը, փաստորեն, պատկերում է կառույցի վիճակը XIX դարում: Մանրակերտը թերևս տեղադրվել է վնասված նախնական մոդելի փոխարեն:

XIX դարում Հառիճի վանական ընկերութիւնը կատարել է բազմաթիվ ու բազմապիսի նորոգման աշխատանքներ: Նորոգվել են սալահատակն ու ծածկասալերը, ամրացվել է արեւելյան ճակատը, որի հետևանքով փակվել են զույգ ավանդատների պատուհանները, Հյուսիսային, ներքին պատին և ավագ խորանի պատի մեջ դրվել են մկրտութային քարե ավազաններ<sup>30</sup>:

Ս. Աստվածածին եկեղեցու ճարտարապետական հորինվածքում առանձնահատուկ ուշադրութեամբ են արժանի զույգ սյունազարդ օթյակները, որոնց առկայութեամբ են պայմանավորված կառույցի ներքին և արտաքին ծավալների մշակումները, դրանց փոխադարձ կապը: Ուշագրավ է, որ ստորին խուլ և արտաքին պարզ մասը եզրափակող գոտին գտնվում է նույն մակարդակի վրա, ինչպես որ ներքին եռակամար բացվածքով օթյակները: Սրանցից ցած աղոթասրահը իրականացված է նույնպես խուլ պատերով: Նույնիսկ լուսավորութիւնը այդ մասում կատարվում է օթյակների բարձրութեան վրա գտնվող լուսամուտներից: Այսպիսով, աղոթասրահի մակարդակի վրա ներսից և արտաքինից ստեղծված է ճարտարապետական զուսպ և խիստ միջավայր:

Արտաքին բաժանող գոտուց վեր են բարձրանում խաչաձև հորինվածքները, որոնք հյուսվում են լուսամուտների շուրջը և դրանք առնում իրենց մեջ: Կտրված լինելով հողից, և, հետևաբար, նաև աղոթասրահի հատակից, այս հորինվածքները, փաստորեն, ծայր են առնում օթյակների նիշից: Եկեղեցու արտաքին ղեկորատիվ հորինվածքում ամենից բարձր տեղադրված է կոիտորական քանդակը: Ինչպես տեսանք, ս. Աստվածածին եկեղեցու վերին մասը, որն սկզբվում է լուսավոր, հանդիսավոր սյունազարդ օթյակների մակարդակից, իր հարուստ և ճոխ մշակմամբ հակադրվում է ստորին մասին և՛ արտաքինից, և՛ ներքին: Այս ամենը ցույց է տալիս այն խիստ ֆունկցիոնալ բաժանումը, որը գոյություն է ունեցել աղոթասրահի և օթյակների միջև, դրանցից օգտվողների սոցիալական տարբերությունը: Այսօրինակ լուծումը առաջինը չէ հայկական միջնադարյան ճարտարապետության մեջ: Դեռևս X դարում Աղթամարի տաճարում հանդիպում ենք նմանօրինակ մոտեցման<sup>31</sup>: Գազիկ Արծրունու պալատական այս եկեղեցում առկա է արքայական օթյակը՝ տեղավորված հարավային աբսիդի մեջ: Մանուկ ճարտարապետի հրդեհած կառույցի արտաքին ղեկորատիվ հարուստ հարդարանքը, ինչպես և Հառիճում, սկսվում է արքայական օթյակի մակարդակից, որից ներքև գտնվող արտաքին ծավալները նույնպես պարզ են ու անպաճույճ: Հառիճի նման, այստեղ էլ ստորին արտաքին ծավալը ավարտվում է ամբողջ պարագծով պտտվող ղեկորատիվ գոտիով, որը օթյակի հետ գտնվում է միևնույն մակարդակի վրա: Լուսավորութիւնը ամբողջ պարագծով նույնպես իրականացվում է օթյակի բարձրութիւնից: Երկու եկեղեցիների ֆունկցիոնալ լուծումների միակ տարբերությունն այն է, որ Աղթամարում օթյակի մուտքը արտաքինից է, Հառիճում՝ աղոթասրահից: Երկու հուշարձանն էլ աչքի են ընկնում արտաքին ծավալների կատարյալ և եզակի մշակմամբ, հանդիսավոր և ճոխ հարդարանքով: Բնական է, որ յուրաքանչյուր եկեղեցի մշակված է իր ժամանակի շնչով ու ճաշակով:

Ինչպես հայտնի է, գրավոր աղբյուրներում Զաքարյանների իշխանութիւնը անվանվում է «թագավորութիւն», իսկ Զաքարեն և Իվանեն հիշվում են «թագավոր, արքա» տիտղոսներով<sup>32</sup>: Քանի որ Հառիճի ս. Աստվածածինը միակ եկեղեցին է, որ մոտ երկու հարյուր տարի հետո կրկնում է Աղթամարի ֆունկցիոնալ և ղեկորատիվ սկզբունքները, կարծում ենք, որ ինչպես Աղթամարի Գազիկ Արծրունի արքայի օթյակը, այնպես էլ Հառիճի զույգ օթյակները կատարել են նույն դերը, ծառայելով Զաքարեն և Իվանեն «արքաներին»: Նշենք նաև, որ Հառիճի այս կառույցին անմիջապես հաջորդած նույնատիպ եկեղեցիներում (Հովհաննավանք, Գանձասար) օթյակների տեղում հանդես են գալիս ավանդական փակ ավանդատներ:

Եկեղեցու զավթը: Գավթը ստույգ թվագրելն անհնար է, քանի որ Վահրամ Հեճուպ իշխանի շինարարական արձանագրության տարեթիվը եղծված է. այն պետք է կառուցված լինի

<sup>30</sup> «Հառիճայի վանական ընկերութեան հիշատակարանն ու հաշիվը», էջ 5—158:

<sup>31</sup> Ս. Մ ն ա ց ա կ ա ն յ ա ն, Վարպետաց-վարպետներ, Երևան, 1982, էջ 40:

<sup>32</sup> «Հայ մողղորդի պատմութիւն», հ. III, Երևան, 1976, էջ 543:

մինչև 1224 թ., որովհետև Տեր-Հովհաննեսը, որը հիշատակված է արձանագրության մեջ, վանքի առաջնորդ է եղել մինչև այդ տարեթիվը։ Ս. Աստվածածին եկեղեցու գավթը արևմուտքից հարում է համալիրի գլխավոր կառույցին և իր մեջ է առնում ս. Գրիգոր եկեղեցու հյուսիսային արտիգը. այն պատկանում է շորս սյուներով գավթների տիպին, որը տարածված է եղել XII դարում։ Կենտրոնում տեղադրված սյուները կամարներով կապվում են 8 որմնասյուների հետ։ Առաստաղում առաջացած երեք անկյունային քառակուսի և շորս միջանկյալ ուղղանկյունաձև հատվածները ծածկված են թաղերով (հարավ-արևմտյան քառակուսի անկյունային հատվածում, որտեղ ս. Գրիգոր եկեղեցու արտիգը մտնում է գավթի մեջ, բնականաբար, թաղը բացակայում է)։

Իր ճոխությամբ առաստաղի ղեկորատիվ մշակումը եզակի է։ Առաստաղի յուրաքանչյուր հատված լուծված է յուրովի՝ Վերջերս՝ գավթի ծածկերի նորոգման ժամանակ, պարզվեց, որ հյուսիսային կենտրոնական ուղղանկյունաձև հատվածի կենտրոնում գոյություն է ունեցել թաղի մեջ բացված 10 ռմ տրամագծով կլոր անցք, որը փակված էր քարե խցանով և մինչև այդ ներսից չէր նշմարվում։ Մեր կարծիքով, անցքը նախատեսված է եղել ջահերի ամրացման համար։ Նույնանման անցքեր, հավանաբար, գոյություն ունեն նաև մյուս երեք կենտրոնական հատվածներում։ Առաստաղի կենտրոնական հատվածում շորս սյուները միացնող կամարների վրա բարձրանում է երգիկը, որը լուծված է շթաքարե ծածկով և կրկնում է XIII դարում տարածված տիպը։ Ս. Գրիգոր եկեղեցու արտիգի և գավթի արևմտյան պատի միջև գոյություն ունեցող խորշի նպատակն է կապ ստեղծել ժամանակին գոյություն ունեցած ս. Գրիգոր և ս. Աստվածածին եկեղեցիների գավթների միջև։ Նկատելի է, որ երկու գավթները մեկտեղվելու հատվածում եղել է անցում, որը հին գավթի քանդվելուց հետո լցվել է։ Գավթին հարավից կցված է կրկնահարկ ավանդատուն, որն արտաքինից դուրս է գալիս կառույցի ընդհանուր ծավալից։

Ս. Աստվածածին եկեղեցու գավթի հատակը մինչև այժմ բարձրացված է եղել իր նախկին սակարգակից, Նորոգումից (1984 թ.) հետո այն իջեցվել է իր սկզբնական նիշին, նախկինից մոտ 40 սմ ներքև։ Հարավային պատի մոտ բացվել է մի տապանաքար, որը հերքում է մինչև այժմ գոյություն ունեցող այն կարծիքը, թե Հառիճավանքի գավթում թաղումներ չեն կատարվել<sup>33</sup>։

Արտաքինից գավթի ճակատները լուծված են պարզ, առանց ղեկորատիվ հարդարանքի։ Պատերը բարձրանում են եռաստիճան որմնախարսխի վրա։ Երեսապատն իրականացված է մանուշակագույն տուֆով։ Ուշագրավ է հյուսիս-արևմտյան անկյան լուծումը։ Կառույցի ուղիղ անկյունը հատված է և ավարտվում է շթաքարե մշակմամբ։ Այսօրինակ լուծման նպատակն էր արևելյան դարպասից գավթին մոտեցող այցելուին ուղղել դեպի համալիրի գլխավոր մուտքը։ Նմանատիպ լուծման ենք հանդիպում Հաղարծնի վանքում, որտեղ սեղանատան հարավ-արևմտյան անկյան մշակումն ունի նույն նշանակությունը։ Արևմտյան ճակատի վրա խախտված է լուսամուտների դասավորության համաչափությունը, որի պատճառը ս. Գրիգոր եկեղեցու արտիգի առկայությունն է գավթի հարավ-արևմտյան հատվածում։

Բանի որ ներսում կենտրոնական սյուների և վերջիններից որմնասյուների միջև գցված կամարների բարձրությունները հավասար են, գավթի ծածկը արտաքինից հարթ է։ Կառույցը պըսակվում է ուղիղ քիվով և երեք կողմից միաթեք ծածկով<sup>34</sup>։ Քիվերի մեջ, յուրաքանչյուր ճակատում պահպանվել են երկուական չրհորդաններ, որոնք վկայում են, թե գավթի ծածկը ժամանակին ունեցել է այլ լուծում։ Հավանաբար, այն հողածածկ է եղել։ Շինությունն ավարտվում է ութանիստ երգիկով։

Հետաքրքիր է լուծված գավթի ջրամուտքը։ Այն պատկանում է ուղղանկյունաձև մուտքերի տիպին<sup>35</sup>։ Մուտքը եզերում են երկու կողմից հյուսկեն զույգ կիսասյուներ։ Նույնատիպ մշակում ունեն XI դարում կառուցված Պեմզալեն գյուղի Մակարավանքի ս. Սիոն եկեղեցու կիսասյուները։ Տիմպանը իրականացված է երկգույն տուֆի տարրերով, որի կեսից ավելին չի պահպանվել։ Գոյություն ունեցող շորս տարրերից հնարավոր եղավ վերականգնել տիմպանի սկզբնական տեսքը (գծ. 5)։ Աստղաձև տարրերով նույնատիպ հորինվածքի հանդիպում ենք նաև Հովհաննավանքի բնամուտքի, Սաղմոսավանքի տիմպանի, Բարձրաքաղի գավթի, Անիի Հյուրատան շթամուտքի ձևավորման մեջ։ Սաղմոսավանքում, փաստորեն, կրկնված է արդեն մշակված հորին-

33 Հ. Եղիազարյան, նշվ. աշխ., էջ 22, О. Халпахян, նշվ. աշխ., էջ 266։

34 С. Мянцаканян, Архитектура армянских притворов, с. 134.

35 Նույն տեղում, էջ 87։

վածքը ոչ թե առանձին տարրերով, այլ ամբողջական քարով: Հովհաննավանքում և Բարձրաքաշում նման տարրերից հավաքված են հարթ մակերևութներ: Իրենց հորինվածքով առավել մոտ են Անիի և Հառի՛ի տիմպանների մշակումները: Այս բոլորի մեջ Հառի՛ի կոմպոզիցիան առանձնանում է իր կատարելությամբ և հստակությամբ: Ի տարբերություն Անիի, ուր խախտված է համաչափությունը, այստեղ հորինվածքը սիմետրիկ է և կատարյալ ձևով է տեղադրված տիմպանի բացվածքի մեջ:

Կառույցն ունի հետաքրքիր գունային լուծում: Արտաքինից ընդհանուր մանուշակագույն ծավալի վրա գունային շքեղ մշակմամբ ընդգծված է շքամուտքը: Կարմիրի և սևի համադրությունը ստեղծված տիմպանը միակ ակտիվ մակերեսն է արևմտյան ճակատի վրա: Նույն սև և կարմրերանգ քարերի օգտագործումով է լուծված նաև կառույցի ինտերյերը: Արևմտյան կենտրոնական սյուները կարմիր են, իսկ խոյակները և խարիսխները՝ սև, արևելյանը՝ հակառակը: Հնարավոր է, որ ժամանակի ընթացքում վնասված առաստաղը նույնպես ունեցել է գունային լուծում, քանի որ, ինչպես նշում է Ա. Մխիթարյանցը, ըստ ավանդության այն մշակված է եղել գունավոր սալիկներով<sup>36</sup>:

Ս. Աստվածածին եկեղեցու գավթում պահպանվել է որմնակարի մի փոքր հատված (ս. Աստվածածին եկեղեցու մուտքի վերնամասում): Այստեղ պարզորոշ երևում է միայն ՈԶ (1210-ական թվականներ), ինչը վկայում է, որ այն իրականացվել է կառույցի ավարտից անմիջապես հետո: Կարելի է պատկերացնել կառույցի ներքնամասը իր նախնական ճոխությամբ՝ սյուների գունային լուծումները, հարուստ մշակված առաստաղը, որը պահել է շահերը՝ լուսավորելով ամբողջ ինտերյերը և որմնակարները: Այսպիսով, գավթի լուծված է արտաքին գույնի և անպաճույճ, ներքին ճախ մշակված ինտերյերի համադրությամբ:

Ս. Հարություն եկեղեցի: Ս. Հարություն եկեղեցին, «զորոյ ըզ վայելուչ կերտուածս տեսանողը»՝ յարտասովուս ցնդեին<sup>37</sup>, 1795 թ. հիմնահատակ ավերվում է: Հետագայում Հառի՛ի վանքի շինությունները, բացառությամբ ս. Հարություն եկեղեցու, բազմիցս նորոգվել են: «Եվ կոփածոյ քարինք նորա փոխադրեալ յայլ շինուածոցն պետս: Միայն դերուկը կարկառ մնացեալ քարակիր որմանցն<sup>38</sup>»:

Ս. Հարություն եկեղեցուն վերաբերող տեղեկությունները սակավ են: Արել Մխիթարյանցը<sup>39</sup> և Ղ. Ալիշանը<sup>40</sup> եկեղեցին նշում են առանց թվագրման: Լ. Խալիփալյանը<sup>41</sup> և Զ. Նոյազարյանը<sup>42</sup> ս. Հարություն եկեղեցին համարում են V դարի կառույց: Թ. Թորամանյանը, նկարագրելով Հառի՛ի գերեզմանատան տապանաքարերն ու խաչքարերը, եկեղեցին չի հիշատակում. ակնհայտ է, որ այն ծածկված է եղել հողի շերտով:

Հուշարձանների պահպանման և օգտագործման գլխավոր վարչության ձեռնարկած մաքրման աշխատանքների ժամանակ (1982 թ.) բացվել են եկեղեցու պատերն ու գետնախարիսխները, հայտնաբերվել են ճարտարապետական մանրամասներ: Ս. Հարություն եկեղեցին ներկայացնում է Հայաստանում լայնորեն տարածված գմբեթավոր սրահի տիպը: Հուշարձանը գրեթե ամբողջ պարագծով պահպանվել է գետնախարիսխից 0,7 մ միջին բարձրությամբ: Վերջինս կազմված է 0,4 մ բարձրությամբ երկու աստիճանից, տեղադրված անմիջապես տուֆի բնական զանգվածի, ժայռի վրա: Եկեղեցին ունի արևելքից արևմուտք ձգված ուղղանկյուն հատակագիծ:

Արտաքինից հարավային և հյուսիսային պատերի վրա պահպանվել են եռանկյունաձև խորշերի հետքեր, որոնք բացակայում են արևելյան և արևմտյան ճակատներում: Կառույցի միակ մուտքը արևմտյան կողմից է: Ներսից ուղղանկյունաձև դահլիճը (արևելյան կողմից) ավարտվում է ավազ խորանով, որի երկու կողմերում տեղադրված են ավանդատներ: Երկայնական պատերին կից պահպանվել են բարդ պրոֆիլավոր հատույթի որմնախարիսխներ (գծ. 3):

Հայտնաբերված բեկորները հնարավորություն են տալիս պատկերացնելու եկեղեցու նախնական տեսքը: Որմնախարիսխների վրա բարձրացել են կիսաշրջանաձև հատույթով որմնասյուներ՝ պսակված բարդ պրոֆիլավոր որմնախոյակներով: Մյուս երկու որմնասյուները գտնվել

36 Ա. Մխիթարյանց, նշվ. աշխ., էջ 72:

37 Արել Մխիթարյանց, նշվ. աշխ., էջ 32:

38 Նույն տեղում, էջ 38:



39 Նույն տեղում, էջ 32, 38:

40 Ղ. Ալիշան, նշվ. աշխ., էջ 162—163:

41 Օ. Халпахчьян, նշվ. աշխ., էջ 265:

42 Զ. Նոյազարյան, նշվ. աշխ., էջ 23:

են ավագ խորանի երկու կողմում, Վերջիններին կիսաշրջանաձև հետքերը տեսանելի են պահպանված ուղղանկյունաձև հատույթով զույգ որմնախարխիսների վրա: Չորս որմնասյուների միջև գցված են եղել զմբեթակիր կամարները՝ կազմելով զմբեթակիր քառակուսին, ծկեղեցին պահպանված է եղել կլոր թմբուկով: Կառույցն իրականացվել է դարչնագույն և մանուշակագույն երանգների տուֆով, կրաշաղախով: Ի զեպ, քարի մշակումն ու զույնի ընտրությունը նույնն են,



Նկ. 3. ս. Հարություն եկեղեցու հատակագիծը:

ինչ որ Հառիճավանքի գլխավոր կառույցում՝ ս. Աստվածածին եկեղեցում: Ս. Հարություն եկեղեցին իր բացարձակ չափերով շուրջ երկու անգամ փոքր է ս. Աստվածածնից: Պատերի շարքերի բարձրությունը ս. Հարություն եկեղեցում 60 սմ է, ս. Աստվածածնում՝ 70 սմ: Պահպանված ճարտարապետական մանրամասները՝ պսակները, քիվերը, եռանկյունաձև խորշերի պսակները գրեթե նույնությամբ կրկնում են ս. Աստվածածին եկեղեցում առկա ձևերը: Ս. Հարություն եկեղեցու բեկորների վրա, սկսած որմնախարխիս աստիճաններից, պահպանվել են վարպետի նշաններ, Դրանք երկուսն են՝ հԱ և հԻ հ նշանը ճիշտ նույն գծագրությամբ պահպանվել է նաև ս. Աստվածածին եկեղեցու արևելյան և հյուսիսային ճակատների բազմաթիվ բեկորների վրա:

Այսպիսով, երկու եկեղեցիների շինարարական նյութից և զույնի ընտրությունից, մշակման ձևից, ճարտարապետական մանրամասների կրկնությունից կարելի է եզրակացնել, որ ս. Աստվածածին և ս. Հարություն եկեղեցիները կառուցվել են միևնույն վարպետների և ճարտարապետների կողմից: Ընդ որում, ս. Հարություն եկեղեցու շինարարությունը սկսվել է ս. Աստվածածնի կառուցումից անմիջապես հետո, XIII դարի սկզբին: Այդ է հաստատում նաև եկեղեցու մի արձանագրություն, որի բեկորների մի մասն է պահպանվել (դժ. 4), Վերջինս փորագրված է եղել ս. Հարություն եկեղեցու հարավային ճակատին, եռանկյունաձև խորշերի պսակների մակարդակով: Դա երևում է արձանագրության սկսվածքի բեկորից, որը եկեղեցու հարավ-արևմտյան անկյան քարն է, և եռանկյունաձև խորշի պսակի բեկորից, որի վրա շարունակվում է քնագիրը: Արձանագրությունը թվագրված է ՈՎԾ (1216 թ.). Հավանաբար, այն կրել է նվիրատվական բնույթ և գրվել է ս. Աստվածածին եկեղեցու՝ Զաքարե ամիրսպասալարի, արձանագրությունից 15 տարի հետո: Այսպիսով, 1216 թ. ս. Հարություն եկեղեցին կանգուն է եղել:


Որոշ մասնագետների կողմից այս հուշարձանի վաղ թվագրումը, հավանաբար, պայմանավորված է եղել եկեղեցու շրջակայքում գտնվող V—VI դարերի տապանաքարերի, նաև կառույցի հյուսիսային պատի վրա հետադադում տեղագրված վաղ միջնադարյան շինության մի խոշոր



Նկ. 4. ա. Հարություն եկեղեցու հարավային ճակատի արձանագրությունը:

բարավորի առկայությամբ, որի վրա այդ շրջանին բնորոշ հավասարաթև խաչ է փորագրված: Հառիճից ոչ հեռու դեռևս կանգուն են Պեմզաշեն գյուղի Մակարավանքի ս. Սիոն (XI դար), Առաքելոց (XI դար), Սառնաղբյուրի ս. Կարապետ (1205 թ.) եկեղեցիները, որոնք պատկանում են զմբեթավոր սրահի տիպին և ունեն միեռնույն հատակագծային և ժալյատարածական լուծումները, ինչ ս. Հարություն եկեղեցին: Սակայն վերջինս առանձնանում է իր ձևերի կատարելությամբ, կառուցողական բարձր մակարդակով, ինչը ակնհայտ երևում է նույնիսկ հուշարձանի ավերակներից:

Կռկնանաբկ մատուռ: Կառուցվել է ս. Գրիգոր եկեղեցուն հարավ-արևմուտքից կից ավանդատան վրա: Ուղղանկյունաձև հատակագծով պարզ կառույց է: Մուտքը բացված է ավանդատան



Նկ. 5. ա) Հառիճ. զավթի տիմպանի վերակազմություն

բ) Անի. հյուրատան շքամուտքի տիմպան (վերակազմությունը Թ. Քորամանյանի):

Թաղի մեջ: Մատուռն են բարձրացել փայտե աստիճանի միջոցով: Կառուցել է Սարգիս Ճոնը, որի շինարարական անթվական արձանագրությունը պահպանվել է մատուռի արևմտյան ճակատին:

Այստեղ հիշատակված է Հայր Համադասապի անունը, որը հանդիպում է նաև ս. Աստվածածին եկեղեցու դամբարանի՝ Վահրամ Հեռուպի արձանագրության մեջ, Հետեւաբար, մատուցել կառուցվել է գավթի հետ, միեւնոյն ժամանակահատվածում, XIII դարի 20—30-ական թվականներին, XIX դարի նորոգության ժամանակ փոխվել են կառույցի ծածկերը, վերաշինվել է քանդված հարավային պատը:

Պարբերաբար: Կառուցվել է Զաքարե ամիրսպասալարը, ինչպես նշված է ս. Աստվածածին եկեղեցու: արձանագրության մեջ, Այն արեւելքից և հյուսիսից շրջափակել է վանքի տարածքը, որը արեւմուտքից և հարավից պաշտպանվում է բարձր, անմատչելի ժայռերով: Այժմ պահպանվել է պարսպի արեւելյան կամարակապ մուտքով մի փոքր հատվածը: Դարասկզբի արխիվային լուսանկարներում պարզորոշ երևում են կիսազանաձև աշտարակի մնացորդներ, որոնք ներկայումս չկան: Պարսպապատի հյուսիսային հատվածը, հավանաբար, ձգվել է ներկայիս կից շինությունների ուղղությամբ, որոնք ժամանակին կառուցվել են ավերված պարսպի պարագծով:

Դպրատուն: Տեղադրված է ս. Գրիգոր եկեղեցուց հարավ-արեւմուտք: Գտնվում է ավերված վիճակում: Պահպանվել է միայն հյուսիսային պատը (գույգ որմնասյուներով), արեւմտյան պատի մի փոքր հատված որմնասյան հետ և մեկ կենտրոնական սյուն, կապված երկու ուղղությամբ որմնասյուների հետ: Կառույցի հյուսիսային պատի արտաքին երեսապատի բացակայությունից հետևում է, որ այն կցված է եղել ս. Գրիգոր եկեղեցու գավթին: Ինչպես ե ս. Աստվածածին եկեղեցու: Կավիթը, զրատուն-դպրատունը պատկանում է շուրս կենտրոնական սյուներով զավթների տիպին, այն տարբերությամբ, որ այստեղ կենտրոնական սյուներին մինչև որմնասյուների զբոսված կամարները ավելի ցածր են, քան կենտրոնական կամարները, որի հետևանքով կառույցի յուրաքանչյուր ճակատում գոյացել են ճակտոններ, երկթեք ծածկերով: Գրատուն-դպրատան մուտքը եղել է արեւմուտքից, առանցքից շեղված դեպի ձախ: Կարծում ենք, կառույցն իր արտաքին տեսքով հիշեցրել է Սանահին գրատան հորինվածքը:

Պահպանված ճարտարապետական տարրերը մի փոքր ավելի պարզեցված ձևով կրկնում են ս. Աստվածածին եկեղեցու գավթի լուծումները: Հավանաբար, դպրատունը կառուցվել է գավթից հետո, XIII դարում: Առ այսօր անորոշ է ուսումնասիրվող կառույցի նշանակությունը: Աղբյուրներում այն հիշատակվում է առանձնապես որպես փոքր գավթի, զրատուն: Ը. Եւսեբիոսյանցը գտնում է, որ այն առաջնորդարան է կամ ուսումնարան<sup>43</sup>: Փանի որ Հառիճը հայտնի է որպես միջնադարի նշանավոր կրթօջախ և գրչության կենտրոն (այստեղ ուսանել են Ստեփանոս Փոթենավորը և Հովհան Օձնեցին), հավանական է, որ կառույցը ծառայած լինի ուսումնական նպատակների համար: Այս հետևության օգտին է խոսում նաև կառույցի ներսից հյուսիս-արեւելյան անկյունում փորված տարածությունը, որը, թերևս, օգտագործվել է որպես գրապահոց:

Ճգնաժամի մասին: Գտնվում է վանքից հարավ-արեւմուտք՝ միայնակ կանգնած ժայռի վրա: Կառույցի անմատչելիությունը դժվարություններ է ստեղծում ուսումնասիրությունների համար: Այն ունի ուղղանկյուն հատակագիծ: Միակ մուտքը հյուսիսից է: Հարավային ճակատի վրա բացվում է մի փոքր լուսամուտ: Ներսում, արեւելյան պատի դիմաց, կանգնեցված է ուղղանկյունաձև մի քարաբեկոր, որը և Ը. Եւսեբիոսյանցին և Ղ. Ալիշանին աներեւաբար առիթ է տվել ենթադրելու, որ մատուռի մեջ է գտնվում վանքի ճարտարապետի գերեզմանը<sup>44</sup>:

XIX դարում Հառիճավանքի վանական ընկերությունը կառուցում է մի շարք քաղաքացիական շինություններ, որոնք ավարտում են համալիրի հորինվածքը:

Այսպիսով, իր գոյության ընթացքում ընդարձակվելով ու համալրվելով նոր կառույցներով, Հառիճավանքը ամրոցական տեսք է ստացել գերազանցապես Զաքարյանների շինարարական գործունեության շրջանում: Հուշարձանախմբի կառույցներն իրենց ճարտարապետական ու կոնստրուկտիվ, սոցիալական բնույթի, ֆունկցիոնալ ու դեկորատիվ լուծումներով թույլ են տալիս Հառիճավանքը դասելու Հայաստանի ճարտարապետական լավագույն համալիրների շարքը:

<sup>43</sup> Ը. Եւսեբիոսյանց, Ստորագրություն կաթողիկէ էշմիածնի և հինգ գավառացի Արարատայ, հ. 2, էջմիածին, 1842, էջ 269:

<sup>44</sup> Ը. Եւսեբիոսյանց, նշվ. աշխ., էջ 267, Ղ. Ալիշան, նշվ. աշխ., էջ 160, 164:

## АНСАМБЛЬ АРИЧСКОГО МОНАСТЫРЯ (архитектурные уточнения)

АЛЕКСАНДР ДЖАЛАЛЯН

### Резюме

Известный очаг средневековой армянской культуры и словесности—Аричский монастырь, основанный еще в раннем средневековье (церковь св. Григора), окончательно сформировался во время строительной деятельности Захаридов (XII—XIII вв.). В этот период были возведены церковь св. Аствацацин, уникальная среди памятников армянской архитектуры своими лоджиями в интерьере, принадлежавшая ктиторами—Захаре и Иване Долгоруким, гавит, училище, крепостные стены. К этому времени относится и церковь св. Арутюна, время постройки которой было установлено во время раскопок 1984 г.

Аричский монастырь отличается своеобразным архитектурным стилем, декоративными и функциональными решениями социального характера.